

**Epistola anatomica, problematica, decima et sexta / ad ... Fredericum  
Ruyschium [with his reply] ... Authore M. Abraamo Vatero.**

**Contributors**

Ruysch, Frederik, 1638-1731.  
Vater, Abraham, 1684-1751.

**Publication/Creation**

Amsterdam : Jansson-Waesberge, '1727' [i.e. 1744?]

**Persistent URL**

<https://wellcomecollection.org/works/me52ncg6>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

# PISTOLA ANATOMICA, PROBLEMATICA DECIMA ET SEXTA,

*Ad Virum Illustrem*

## FREDERICUM RUYSCHIUM,

*M. Doct. Anatomiae ac Botanices Professorem.*

D E

Viiis absconditis Pulmonum, quibus aér, respirando receptus,  
in sanguinem penetrat; nec non de Vasorum secreto-  
riorum structura Mechanica, & de fibrillarum  
nervarum in Cerebro principiis.

*Authore*

M. ABRAHAMO VATERO, *Vitemb. Medicin. Studioso.*



AMSTELODAMI,

---

Apud JANSSONIO-WAESBERGIO. MDCCXXVII.

АЛОГИЧЕ

КОМПОЗИЦИИ АРИФАРИИ

АТЛАНТИДА

МУЗЫКАЛЬНАЯ МУЗЫКА

АВТОРСКАЯ СВОБОДА ВЛАДИМИР

ВИДОВОЙ ОСНОВЫ СОСТАВЛЕННАЯ  
СИГИЗМОНДОМ КОЛЛЕКТИВОМ  
ИЗДАНИЕ ПЕРВОЕ  
САНКТ-ПЕТЕРБУРГ  
СОЛДАТСКАЯ КОМПАНИЯ  
1810

СИГИЗМОНД ВИДОВОЙ ОСНОВАЛ СОЛДАТСКИЙ



ИМПЕРАТОРСКАЯ  
САНКТ-ПЕТЕРБУРГСКАЯ  
МЕДВОДЬЯ

## *Vir Illustris atque Celeberrime*

M Iraberis haud dubie, me, ne per nomen quidem cognitum Tibi, eo procedere audaciae, ut his literis in tuum conspectum venire audeam. Neque id Tibi immerito videbitur mirum, cum omnes illi, quos antecessores in hoc instituto habeo, Viri Experientissimi, Artis nostrae Doctores Candidatique, privata Tua informatione iam instituti fuerint, ad Quorum ingenii bonaque indolis famam me haud quaquam accedere, mihi ipsi optime sum conscientius. Ignoscet tamen, Vir Clarissime, huic tanto meo desiderio, quo incensus, nihil magis in votis habeo, quam ut absens, cum mihi praesenti nondum licuerit, solidissima Tua in Re Anatomica informatione frui queam, eamque his literis in me convertendi nunc est animus.

Annus jam est, & quod excurrit, cum ingenii expoliandi causa, Mechanismum actionem vitalium explicare, secundum optimas, ac rationi maxime consentaneas Philosophorum modernorum hypotheses, una vel altera disputatione in animum induxi. Exhibui proindejam illo tempore harum disputationum primam, de Principio Vitali, quam ea, qua par est, observantia Tibi hic offero, qua præcipua de Illo Philosophorum dogmata recensui, ac pro virium tenuitate illustravi. Instituti igitur mei ratio jam dudum postulasset, ut promissis meis satisfecisset, & structuram organorum Mechanicam, indeque dependentem Mechanismum actionum vitalium, prout nunc ea omnia per Virorum eruditorum industriam patefacta nobis sunt, brevibus exposuisset. Præterquam autem, quod vario studiorum negotiorumque genere impeditus, animum ad id applicare hactenus non potuerim, obsteterunt etiam quam maxime dubia quædam, circa structuram ipsam organorum vitae inservientium obvia, quæ animum meum hucusque ancipitem detinuerunt.

Et quidem respiratio, licet organis peragatur pro voluntate mobilibus, inter actiones vitales primo mihi loco erit nominanda, cum ea sit prima hominis nati operatio, in Eo nunquam plane aboleri sine praesentaneo vitae periculo queat, ac ejus præterea

terea integritas ad vitam continuandam multum faciat. De eius autem, quem præstat, usu, uti varie inter Physicos disceptatum fuit; ita imprimis quæstio exorta est, utrum particula aëris, per inspirationem intra pulmones recepti, transeat per poros venæ pulmonalis, intra ipsam spectantes, atque adeo impressione atque impetu immediato in liquidum venosum facto, motum ejusdem promoveat; an vero sola laterali vasorum sanguiferorum compressione, idem aër motum sanguinis, per venam pulmonalem ad cor redeuntis color vividior, maiori potius illius divisioni atque comminutioni, quam novæ aëris accessioni adscribendus sit. Utrumque autem idonea admodum ratione coniungi posse existimo, cum duæ causæ sociæ, quarum utraque sola ad affectum producendum apta est, inter se consentientes, ac in unum conspirantes, eo fortius agant: modo id sufficientibus experimentis evictum fuerit, dari hujusmodi poros, intra venam pulmonalem hiantes, qui in statu maxime naturali, absque violenta per inflationes injectionesque distensione, aliquid aëris ex pulmonum vesiculis in sanguinem admittere possint. Quicquid sit, sive mediate, sive immediate, sive utroque modo sanguinis divisionem adjuvet aër, hoc ipso tamen non solum circulationi per pulmones, sed universo circulo vitali per totum corpus præesse videtur.

Circuitus deinde sanguinis vitalis, uti æquali prorsus, ac nullatenus interrupta pressione, per universi corporis vasa organaque viget, ita admiratione dignum omnino est, eius, tanquam principii cuiusdam universalis beneficio, varios ac plane heterogeneos in diversis visceribus succos fecerni. Cujus rei fundamentum, posthabitatis iis, quæ de animabus, spiritibus, facultatibus, suctionibus, fermentationibus, & præcipitationibus proferri solent, unice in determinata, ac liquori fecernendo proportionata tubolorum configuratione, ingeniose admodum ab hodiernis Mechanico Physicis collocatur. De eo tamen nondum convenit inter eos, an sola diametri in poris diversitas huic separationi explicandæ sufficiat, ita ut pro huius exiguitate, subtilioribus transitus pateat, crassioribus vero interdicatur: an præter hanc concurrat etiam figura oculorum, quoad superficiem interiorem, angulos & latera distincta, qua non nisi eiusdem figuræ particulæ tubulos istos intrare queant.

De

Denique cum certum omnino sit, non solo sanguinis motu, sed huius atque liquidi nevorum æquali pressura ac æquilibrio, motiones corporis nostri peragi, ratio reddenda videtur, quamobrem ab his duobus principiis, æqualiter prementibus, actiones tam diversæ oriuntur, quarum quædam absque prævia mentis cogitatione, & contra voluntatem, sine omni intervallo durant, quædam autem a nutu nostro pendent, quædam tandem medio quasi loco existunt, ita ut quidem per naturam, nobis cogitantibus, continuentur, a nostra tamen voluntate accelerari quodammodo ac suspendi possit. Clarissimus WILLISIUS (\*) distincta distinctis motionibus principia præficit, ita quidem ut cerebrum, per nervos peculiares, affundat succum suum organis, pro voluntate mobilibus, cerebellum autem activas reddat partes continuo movendas: utrumque autem vires suas coniungat in organis, partim voluntariæ, partim involuntariæ motioni inservientibus. Consentiantur cum WILLISIO Viri celeberrimi DU HAMEL, (a) VIEUSSENS, (b) PERRAULT (c) BOHNIUS (d) aliique complures, suamque sententiam experimento confirmant, dum canis vivi cranio aperto, & cerebro discisso, actiones voluntarias aboleri, involuntarias vero durare perhibent: cum e contrario cerebello læsa, haec in momento desinant. De cuius experimenti veritate, cum neque Virorum tantorum auctoritas fide dignissima, neque ipsa ratio dubitare permittat; præterea admodum probabile fit, diversas cerebri provincias distinctum quoque usum habere; nec non ipse nervorum e cerebro egressus consentiat, libenter huic sententiæ subscribo: non tamen neglecta organorum ipsorum constructione, cum illa quæ pro voluntate moventur, musculis instructa sint, in distinctas regiones tendentibus, reliqua vero, continuo motu gaudentia hoc muscularum apparatu careant. Quandoquidem autem multæ adhuc difficultates, circa fibrillarum nervos constituentium origines, occurrunt, ex Te, Vir Amplissime, scire cupio, quisnam sit verus nervorum singulorum or-

A 3

tus

(\*) Anat. Cerebr. C. XV. XVI. XVII. &amp; XVIII.

(a) De Corp. animat. L. I. C. XX.

(b) Nevrograph. Univers. L. I. C. XX.

(c) Mechanique des Animaux. P. II. c. 7.

(d) In Renuntiatione Vulnerum Sect. II. C. I.

tus, non tam quoad funiculos ipsos, quam fibras easdem componentes.

Trium horum dubiorum solutionem, utut vel ex viva Præceptorum meorum informatione accipere, vel ex eruditissimis tum quorundam Anatomicorum recentiorum scriptis tum præcipue egregiis Tuis, Vir Celeberrime, inventis ac præparationibus, quas consignatas orbi erudito communicasti, haurire potuisse: Non potui tamen non eorum explicationem his litteris abs Te petere, partim ut Tibi quodammodo innotescerem, ac Tuam mihi benevolentiam conciliarem, antequam ipse ad Te venirem: partim ut maiori cum animi certitudine, organorum vitalium constructionem actionemque mechanicam, Tua fretus auctoritate, in rebus Anatomicis præcipua, confignare queam. Tibi enim soli, si ulli unquam, extremitates vaforum, ad minimum quorundam, ac pororum figuræ, propter assiduas liquorum iniectiones, ac curiosissimas viscerum præparationes, intueri concessum fuit, ut adeo Tibi in iis, quæ Te vidisse confiteris, maxima fides adhibenda sit. Neque tamen huic meo singulari desiderio satisfecissem, nisi excitatus admonitione Celeberrimi BERGERI, Collegæ atque Amici Parentis mei conjunctimi, ac Patroni non minus, quam Præceptoris mei maximopere suspiciendi. Hunc Virum, mihi colendum, Te in sinu admodum fovere, cum me non omnino fugiat, per illum Tuam me gratiam ac benevolentiam acquisitum, nullus dubito. Quamobrem vehementer etiam atque etiam abs Te peto atque contendeo, meæ cupiditati tantum des, & vel tribus faltem verbis. Tuam de his dubiis fententiam scire me permittas. Facies hoc ipso rem, non solum mihi, sed universo Orbi erudito gratissimam, ac Tanto Viro dignam. Ego vero non solum animo absens, sed occasione data prælens, verbis gratias Tibi agam maximas, & semper permanebo.

*Amplissimi Tui nominis*

*cultor assiduus atque perpetuus*

Vitembergæ  
Die X. Calend. Augusti.  
M. DCC. VIII.

M. ABR. VATER, Vitemb.  
Medicinae Studiosus.

FRE-

# FREDERICI RVYSCHII RESPONSIo,

*Ad Virum Doctissimum*

## M. ABRAHAMUM VATERUM.

*Medicinae Studiosum eruditissimum*

IN EPISTOLAM ANATOMICO-PROBLEMATICAM  
DECIMAM & SEXTAM

De Viis absconditis Pulmonum , quibus aér , respirando re-  
ceptus , in sanguinem penetrat ; nec non de Vasorum  
secretiorum structura Mechanica , & de fibrillarum  
nervearum in Cerebro principiis.

---

## M. ABRAHAMO VATERO

*Viro Doctissimo*

## FREDERICUS RUY SCHIUS.

*S. P. D.*

 uæ mihi in Epistola tua Anatomica , Problematica proposuisti , tanti sunt ponderis & tam recondita , ut ne ingenia quidem acutissima hactenus sufficerint ad illa enucleanda ; itaque credere noli , me illos nodos plane soluturum esse , præfertim cum illa oculorum aciem fugiant & autopicæ demonstrari non possint , & hinc non inepte abs te abscondita dicantur : tentabo tamen , quantum potero , aliquam his lucem affundere , & quæ mea sit sententia , lubens communicabo .

Itaque

Itaque quod 1<sup>m</sup>. Problema attinet, sc. quæ sint viæ absconditæ per quas aër respirando receptus, in Sanguinem penetret. Resp. Aërem per Pulmonem sanguini immisceri, in totum negari quidem non posse, sed omnem aërem, quo sanguis impletur, deferri per Pulmonem in sanguinem (salvo aliorum iudicio) affirmare non ausim, cum viæ adsint, quæ non minus aptæ natæ sint, ad illud præstandum, de quibus infra.

Aërem per Bronchiorum extremitates capillares in inspiratio-ne comprimi in membranolas & vesicularcs cellulas, Pulmonem maxima parte constituentes, vel lippis ac tonsoribus notum.

Omnes membranas corporis nostri latice seroso irrorari certum esse existimo, non autem prætensarum Glandularum *Malpighii* & *Stenonis* ope, quas nemo demonstrare potest: illud autem extremis arteriolis, tomenti instar, tenuibus, adscribendum esse censeo.

Aërem facile misceri cum liquore aquoso, quis negabit? præfertim cum nihil notius, quam quod aër in laticem aquosum, & hic denuo a calore in aërem reduci possit.

Vasa lymphatica non solum, verum etiam venularum extremitates porosas esse, illorumque poros esse recipientes & admittentes, ex sanguinis circulatione & artificiosa vasorum mea repletione, satis superque constare mihi videtur.

Hicce positis, existimo, aërem per Pulmonis Bronchia in dictas membranaceas cellulas vesiculares, compressum, Musculorum thoracis & diaphragmatis ope, illic tandem combinari & misceri, cum latice aquoso aut seroso, per ultimas extremitates roris instar in dictas cellulas effuso.

Serositatem sanguinis cum aëre ita commixtam, tandem ab extremis ramusculis Venarum, ut & Lymphaticorum vasorum absorberi & in sanguinem deferri, puto.

Dixi superius omnes corporis nostri membranas continuo irrorari latice seroso, ex Arteriarum extremis oriundo: illud autem confirmat replendi methodus mea nova, qua luculentissime in meis præparatis exhibeo & demonstro ceraceam materiam ex ultimis omnino extremitatibus arteriolarum roris instar ita effundi, ut objecta summa rubidine sint perfusa, idque sine ulla extravasatione præternaturali.

Si quis ejusmodi objecta domi meæ perlustraverit, sive armatis,

tis, sive inermibus oculis, facile in sententiam meam descendet, nam clare videri potest dicta ceracea materia, quæ sumi aut roris instar ex poris emittentibus exitum sibi quæsivit, quemadmodum sanguinis chylo serositas (ut ita loquar) in homine vivo.

Interim, Vir Solertissime, credere non possum aliquem offendurum esse ad illum lapidem, sc: quod statuerim in ultimis omnino extremitatibus Arteriolarum, loco sanguinis rubri in statu perfectiore & sano, laticem Chylo- serosum hospitari; illud enim satis superque constat in cute & aliis corporis partibus: sanguis enim rubedinem exuit, antequam viam ad ultimum extreum absolverit.

Cum autem tantum aëris per Pulmonem introducti non sufficiat ad vitam sustentandam, existimo, alias haud minus aptas reperiri vias, pro sanguinis aditu in sanguinem, sc: poros cutaneos admittentes, talesque existere æque ac emitentes.

Hoc luculenter constat ex Mercurio & Cantharidum applicatione super cutem, per hosee, aëris aditus in corpus nostrum non minus denegatur, quam Mercurio aut Cantharidibus: eoque introducto per aëris ambientis compressionem, miscetur cum serosite, qua perfusæ sunt, ut supra dixi, partes interiores, quæ miscela tandem absorbetur ab extremis venulis & Vasis Lymphaticis.

In statu sano & perfectiore, tantum, quantum requiritur aëris, in sanguinem defertur; non raro tamen contingit massam sanguineam obrui à nimia aëris copia, quemadmodum saepius fit in iis, qui subito è medio tolluntur, sicuti observavi in muliere, quæ subito ultimum diem obierat, ejusque cadaver cultro Anatomico subjeceram; quid fit? aperto Thorace, Cor suspendæ erat magnitudinis, ab aëre, quo plenum erat, absque ullo fere sanguine, id quod palam factum cuspidi cultelli; ea enim adacta tam subito subsidebat Cor, ac Vesica aëre repleta, & cuspidi cultelli attacta.

Talem affectum lethalem fieri existimo, à nimia aëris copia, quæ in corde locupletata & copulata sanguinis aditum in Cor præpedivit.

Quod ad II<sup>m</sup>. Problema attinet, sc. de Vasorum secretiorum structura mechanica: cum illud multum molestiae hactenus attulerit, & nondum mihi ea in re satisfacere potuerim, sicco

pede transire cogor , donec Mammarum , Parastatarum &c.  
Vasa luculentius pericruttatus fuero.

Relictis illis, ad 11<sup>m</sup>. me conferam ; sc. de *Fibrillarum nervarum in Cerebro principiis.*

Hacce fibrillas originem habere existimo ex tractibus medullaribus Medullæ oblongatae , idque principio subtilissimo , præsertim circa Nucham , membranula Arachnoidea obductæ , è qua membrana tamen non proveniunt , uti Cl. Blasius , ejusque sectatores statuerunt ; nam hi tractus medullares , antequam Medullam relinquunt , & nondum Nervorum nomine appellantur , non sine artificiosa encheiresi in conspectum producuntur , ea propter illos , ne unquam quidem ab aliis vidi demonstratos in subje<sup>c</sup>to ipso : imo , quid concludendum sit ex illorum figuris , aliis judicandum relinquo ; quicquid ego hac de re delineandum curavi , demonstro & objecta ipsa reservo.

In Fig. Epist. 2. Tab. 15. Anatom. Problem. XII. delineandam portionem Medullæ oblongatae cum suis tractibus longitudinalibus , & hisce substratis orbicularibus.

Qui veram notitiam hujus rei satagit , monendus est , ne coquat Cerebrum , sed retineat in statu naturali , sicuti ego facio & reservo , ita ut vitæ speciem referat , tantum nonnihil indurando per liquorem convenientem.

Rejiciendum quoque , quod nonnulli faciunt , qui post indurationem in segmenta digitis distingunt Cerebrum , quo facto , striæ apparent , sicut in caseo non admodum indurato , & in partes dilacerato , easque nobis obtrudere conantur pro tractibus Cerebri.

Hilce Vale , Doctissime Vir , meque amare pergit.

Dabam Amstelodami  
in Musæo , d. 10.  
Decemb. 1713.